



702

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 02-242/23  
Sarajevo, 27.02.2023. godine

Stamp: *Federacija Bosne i Hercegovine*  
*27.02.2023*  
*04 3621-81*

**SKUPŠTINA KANTONA SARAJEVO**  
n/r Elvedin Okerić, Predsjedavajući Skupštine  
- o v d j e -

**PREDMET:** Odgovor na zastupničku inicijativu, dostavlja se.-

**V E Z A:** Vaš akt broj: 01-04-3621-22/23 od 08.02.2023. godine

Poštovani,

Na Četvrtoj radnoj sjednici Skupštine Kantona Sarajevo, održanoj dana 08.02.2023. godine, u okviru tačke dnevnog reda „Poslanička/zastupnička pitanja, inicijative i odgovori“, zastupnik Damir Marjanović, uputio je sljedeću zastupničku inicijativu:

*„podnosim inicijativu da svi zastupnici Skupštine Kantona Sarajevo podrže i usvoje, a Vlada Kantona Sarajevo da osigura neophodna sredstva za kreiranje digitalne mape plana evakuacije stanovništva u slučaju velikih prirodnih katastrofa na prostoru Kantona Sarajevo“.*

**ODGOVOR:**

U skladu sa odredbama člana 40. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10 – u daljnjem tekstu: Zakon o zaštiti i spašavanju), mjere zaštite i spašavanja spadaju u osnovne elemente koji čine organizaciju civilne zaštite u Federaciji Bosne i Hercegovine, koje se organizuju i provode na svim nivoima organizacije vlasti (na nivou Federacije Bosne i Hercegovine, kantona, grada i općine).

Odredbama člana 48. Zakona o zaštiti i spašavanju definisano je 15 mjera zaštite i spašavanja koje se provode u funkciji zaštiti i spašavanju ljudi i materijalnih dobara od opasnosti i posljedica od prirodnih i drugih nesreća (sklanjanje ljudi i materijalnih dobara, evakuacija, zbrinjavanje ugroženih i stradalih, zamračivanje, zaštita i spašavanje od radioloških, hemijskih i bioloških sredstava, zaštita i spašavanje od rušenja, zaštita i spašavanje na vodi i pod vodom, zaštita i spašavanje od požara, zaštita od neeksplozivnih ubojnih sredstava, prva medicinska pomoć, zaštita i spašavanje životinja i namirnica životinjskog porijekla, asanacija terena, zaštita okoliša, zaštita i spašavanje u

rudnicima i zaštita bilja i biljnih proizvoda), kao i da se osim navedenih mjera zaštite i spašavanja, mogu planirati, pripremati, organizovati i provoditi i druge mjere zaštite i spašavanja, te da za provođenje pojedinih mjera zaštite i spašavanja direktor Federalne uprave civilne zaštite može donositi posebna uputstva. Sadržaj svake od navedenih mjera bliže je regulisan u odredbama čl. 49. do 105. Zakona o zaštiti i spašavanju.

U skladu sa članom 46. Zakona o zaštiti i spašavanju, sve mjere zaštite i spašavanja detaljno se utvrđuju u planovima zaštite i spašavanja koji moraju imati pravna lica, općine, gradovi, kantoni i Federacija Bosne i Hercegovine, a koji se izrađuje po metodologiji koja je propisana Uredbom o sadržaju i načinu izrade planova zaštite i spašavanja od prirodnih i drugih nesreća i planova zaštite od požara („Službene novine Federacije BiH“, broj: 8/11). U naprijed navedenim planovima zaštite i spašavanja u skladu sa navedenom Uredbom, za svaku mjeru zaštite i spašavanja koja se utvrdi (uključujući i evakuaciju), konkretno se određuju zadaci, izvršioci i materijalna i druga sredstva i oprema koja će se koristiti za izvršavanje planiranih mjera zaštite i spašavanja i to: u fazi preventivne zaštite, u fazi spašavanja ugroženih i nastradalih ljudi i materijalnih dobara i ublažavanja nastalih posljedica i u fazi otklanjanja nastalih posljedica i stvaranje uslova za normalizaciju života na ugroženom području.

Treba istaći činjenicu da se u planovima zaštite i spašavanja općina, posebno detaljno razrađuje mjera evakuacije ljudi i materijalnih dobara (određuju se evakuacioni pravci u javnim i stambenim objektima i isti se obilježavaju odgovarajućim znacima, te putevi za evakuaciju s kojim se upoznaju lica koja borave u tim objektima putem imenovanih povjerenika civilne zaštite od strane općinske službe civilne zaštite i rukovodioca javne ustanove), kao i mjera zbrinjavanja ugroženih i nastradalih ljudi (određuju se objekti i lokacije gdje će se postavljati šatorska naselja u kojima će se smještati eventualno ugroženo i nastradalo stanovništvo, način i postupak osiguranja ishrane i drugih prijeko potrebitih uslova za život ugroženih i nastradalih ljudi i dr. mjere).

Vezano za predmetnu inicijativu, treba istaći, da ista obuhvata više naprijed navedenih mjera zaštite i spašavanja iz člana 48. Zakona o zaštiti i spašavanju (evakuacija, zbrinjavanje ugroženih i stradalih, zaštita i spašavanje od rušenja, prva medicinska pomoć), te da su iste detaljno razrađene u Planu zaštite i spašavanja ljudi i materijalnih dobara od prirodnih i drugih nesreća Kantona Sarajevo, a naročito u općinskim planovima zaštite i spašavanju, te planovima zaštite i spašavanja pravnih lica, tako da se njihovo praktično sprovođenje vrši putem navedenih planova zaštite i spašavanja.

Shodno navedenom, a uvažavajući predmetnu inicijativu, kao i činjenicu da je Bosna i Hercegovina od 06.09.2022. godine postala punopravna članica mehanizma Evropske unije za civilnu zaštitu, te da su na nivou Federacije Bosne i Hercegovine u toku aktivnosti na izradi novog zakona o sistemu zaštite i spašavanja i civilnoj zaštiti Federacije Bosne i Hercegovine, kojim će se u sistem zaštite i spašavanja i civilne zaštite u Federaciji Bosne i Hercegovine inkorporirati direktive i odluke Evropskog parlamenta i Vijeća Evropske unije koje se odnose na mehanizam Evropske unije za civilnu zaštitu, mišljenja smo da bi se nakon toga, mogle pokrenuti aktivnosti na implementaciji inicijative uvaženog zastupnika Damira Marjanovića, prvenstveno na nivou općina jer općina ima centralno mjesto u ukupnom sistemu zaštite i spašavanja (na njenom području odvija se ukupan rad i život ljudi i nalaze se sva materijalna dobra, koji mogu biti ugroženi od svih prirodnih i drugih nesreća, tako da se njene snage se prve angažuju na zaštiti i spašavanju ljudi i materijalnih dobara od prirodnih i drugih nesreća), koju će u skladu sa svojim nadležnostima i raspoloživim finansijskim sredstvima podržati i Kantonalna uprava civilne zaštite Kantona Sarajevo.

S poštovanjem,

**DIREKTOR**  
[Redacted]  
[Redacted] nić

Dostavljeno:

- Naslovu;
- a/a.